

8. ԿԱԴՐԵՐԻ ՊԱՏՐԱՍՏՈՒՄԸ ԵՎ ՎԵՐԱՊԱՏՐԱՍՏՈՒՄԸ

Ծառայության աշխատակազմի կառուցվածքային և առանձնացված ստորաբաժանումների աշխատակիցների մասնագիտական որակական կազմը բնութագրվում է տնտեսագետների (51.2%), ինչպես նաև բարձրագույն կրթությամբ կադրերի (85.6%) գերակշռությամբ: Ծառայության աշխատակիցների 73%-ը կազմում են կանայք, 27%-ը՝ տղամարդիկ:

Ծառայության համակարգի հաստիքների թվաքանակն ըստ տարիների բնութագրվել է հետևյալ համամասնություններով.

	2004թ.	2005թ.	2006թ.
կենտրոնական ապարատ	179	181	181
առանձնացված ստորաբաժանումներ	179	179	179
Ընդամենը, որից՝	358	360	360
<i>քաղաքացիական ծառայողներ</i>	<i>332</i>	<i>334</i>	<i>334</i>

«Քաղաքացիական ծառայության մասին» Հայաստանի Հանրապետության օրենքի պահանջների ենթատեքստով, հաշվետու ժամանակահատվածում վերապատրաստվել են Ծառայության աշխատակազմի 270 և ատեստավորվել 247 քաղաքացիական ծառայողներ: Ատեստավորման արդյունքում, զբաղեցրած պաշտոնին չհամապատասխանելու հիմքով աշխատանքից ազատվել է 3 քաղաքացիական ծառայող (2004թ.՝ 1, 2005թ.՝ 2):

Ծառայության աշխատակազմի վերապատրաստված և ատեստավորված քաղաքացիական ծառայողների թվաքանակները ներկայացված են ստորև.

Քաղաքացիական ծառայության պաշտոնների խմբերը	2004թ.		2005թ.		2006թ.		Ատեստավորման արդյունքում չեն համապատասխանել զբաղեցրած պաշտոնին
	վերականգնվել են	ատեստավորվել են	վերականգնվել են	ատեստավորվել են	վերականգնվել են	ատեստավորվել են	
բարձրագույն	-	-	-	-	2	2	
գլխավոր	21	21	14	14	30	22	1
առաջատար	43	43	22	20	40	43	
կրտսեր	45	41	17	18	36	23	2
Ընդամենը	109	105	53	52	108	90	3

Հաշվետու ժամանակահատվածում Ծառայության համակարգի աշխատակիցների շարժը բնութագրվել է հետևյալ համամասնություններով.

	2004	2005	2006
Ընդունվել է աշխատանքի, այդ թվում՝	137	164	103
«Պետական վիճակագրական տեղեկատվության հավաքագրում» ծրագրում	88	110	54
Աշխատակազմում, որից՝	49	54	49
<i>քաղաքացիական ծառայողներ</i>	28	39	32
Ազատվել է աշխատանքից, այդ թվում՝	139	113	172
«Պետական վիճակագրական տեղեկատվության հավաքագրում» ծրագրից	93	66	136
Աշխատակազմից, որից՝	46	47	36
<i>քաղաքացիական ծառայողներ</i>	23	23	23

Ծառայության աշխատակազմի քաղաքացիական ծառայության թափուր պաշտոնները համարելու համար անց է կացվել 101 մրցույթ, այդ թվում՝ 2004թ.՝ 31, 2005թ.՝ 42, 2006թ.՝ 28: Արտամրցութային կարգով քաղաքացիական ծառայության պաշտոններում նշանակվել է 13 քաղաքացիական ծառայող, այդ թվում՝ 2005թ.՝ 6 և 2006թ.՝ 7:

«Քաղաքացիական ծառայության մասին» Հայաստանի Հանրապետության օրենքով սահմանված կարգով Ծառայության նախագահի և աշխատակազմի ղեկավարի կողմից շնորհվել են համապատասխան դասային աստիճաններ՝ 2004թ.՝ 134, 2005թ.՝ 91, 2006թ.՝ 28 քաղաքացիական ծառայողի:

Ծառայության նախագահը, Խորհրդի անդամները և Ծառայության աշխատակիցները Հայաստանի Հանրապետության կառավարության և Հայաստանի Հանրապետության վարչապետի որոշումներով ստեղծված թվով 27 միջգերատեսչական հանձնաժողովների կամ աշխատանքային խմբերի անդամներ են:

Վիճակագրության զարգացման միջազգային միտումներին իրազեկ լինելու նպատակով, հաշվետու ժամանակահատվածում շարունակվել է նաև Ծառայության անձնակազմի մասնագիտական ներուժի զարգացմանը նպատակաուղղված համագործակցությունը: Ծառայության աշխատակիցները մասնակցել են արտասահմանյան երկրներում կազմակերպված և վիճակագրության բոլոր բնագավառներին անչվող վերապատրաստման դասընթացների, աշխատանքային հանդիպումների, միջազգային համաժողովների, նստաշրջանների, սեմինարների, առանձին թեմատիկ քննարկումների և այլ միջոցառումների (այցեմասնակցությունների թիվը՝ 165, այդ թվում՝ 2004թ.՝ 58 (18 արտասահմանյան երկրում), 2005թ.՝ 42 (12 արտասահմանյան երկրում), 2006թ.՝ 65 (37 արտասահմանյան երկրում):

Նշվածից զատ, Ծառայության աշխատակազմի աշխատակիցները մասնակցել են նաև տարբեր կազմակերպությունների (նախարարություններ, միջազգային

կազմակերպություններ և այլն) կողմից կազմակերպված տեղային սեմինարների, դասընթացների, շնորհանդեսների, աշխատանքային հանդիպումների և այլն (այցեմասնակցությունների թիվը՝ 428, այդ թվում՝ 2004թ.՝ 204, 2005թ.՝ 94, 2006թ.՝ 130):

Կադրերի պատրաստման և վերապատրաստման գործընթացի արդյունավետությունը բարձրացնելու նպատակով, շարունակվել են նաև Ծառայությունում պարբերաբար կազմակերպվող սեմինար-խորհրդակցություններն ու դասընթացները, ինչպես օտարերկրյա փորձագետների, այնպես և Ծառայության աշխատակիցների դասավանդմամբ և մասնակցությամբ: Հաշվետու ժամանակահատվածում Ծառայությունում կազմակերպվել են ընդհանուր թվով 12 սեմինար-խորհրդակցություններ, որոնց՝ Ծառայության աշխատակիցների կողմից այցեմասնակցությունների թիվը կազմել է 382:

Ծառայությունում ուսումնական և արտադրական պրակտիկա է կազմակերպվել Երևանի պետական տնտեսագիտական համալսարանի, Ռուս-հայկական (Սլավոնական) պետական համալսարանի, Երևանի ֆինանսաբանկային և բորսային համալսարանի, Երևանի պետական համալսարանի, Հայաստանի պետական ճարտարագիտական համալսարանի, Հայաստանի Հանրապետության պետական կառավարման ակադեմիայի, Մոսկվայի սերվիսի պետական համալսարանի, Երևանի ինֆորմատիկայի պետական քոլեջի թվով 379 ուսանողների համար:

Երկարամյա և/կամ բարեխիղճ աշխատանքի համար Ծառայության 13 աշխատակից խրախուսվել է շնորհակալագրով: Հայաստանի պաշտոնական վիճակագրության հիմնադրման 85-ամյակի կապակցությամբ, ինչպես նաև վիճակագրության համակարգում երկարամյա ծառայության և ներդրած ավանդի համար Հայաստանի Հանրապետության Վարչապետի 2006թ. սեպտեմբերի 15-ի թիվ 677-Ա որոշմամբ Ծառայության 5 աշխատակից, իսկ Ծառայության նախագահի և աշխատակազմի ղեկավարի հրամաններով 24 աշխատակից խրախուսվել են շնորհակալագրերով: